

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
20.01.2021թ. կայացված ԱՖ383460 որոշումն անփոփոխ, իսկ վարչական բողոքն առանց
բավարարման թողնելու մասին

<<25>> 02 2021թ. 7-13- 2556

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Գառնիկ Ղուկասյանի ՄԴ/6508-21 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Քաղաքացի Գառնիկ Ղուկասյանը (**ծանուցման հասցե՝** քաղաք Երևան, Զաքյան փողոց,
10-րդ շենք, 1-ին բնակարան) դիմումով խնդրել է անվավեր ճանաչել Ճանապարհային
ոստիկանության վարչական իրավախախտման վերաբերյալ գործով կայացված ԱՖ383460
որոշումը՝ նշելով, որ հանդիսանում է Արցախյան բոլոր պատերազմների մասնակից:

Դիմումի քննարկման արդյունքում պարզվել է, որ ակտը ենթակա է կատարման հետևյալ
պատճառաբանությամբ.

Վարչական իրավախախտումների վերաբերյալ ՀՀ օրենսգրքի 9-րդ հոդվածի 1-ին մասի
համաձայն՝ վարչական իրավախախտում (զանցանք) է համարվում պետական կամ
հասարակական կարգի, սեփականության, քաղաքացիների իրավունքների և
ազատությունների, կառավարման սահմանված կարգի դեմ ոտնձգվող հակաիրավական,
մեղավոր (դիտավորյալ կամ անզգույշ) այնպիսի գործողությունը կամ անգործությունը, որի
համար օրենսդրությամբ նախատեսված է վարչական պատասխանատվություն:

<<Ավտոտրանսպորտային միջոցների օգտագործումից բխող պատասխանատվության
պարտադիր ապահովագրության մասին>> 5-րդ հոդվածի 4-րդ մասի համաձայն՝
յուրաքանչյուր անձ պետք է մշտապես ունենա սեփականության իրավունքով իրեն
պատկանող (ֆինանսական վարձակալության (լիզինգի) պայմանագրով իրեն տրամադրված)
և Հայաստանի Հանրապետությունում հաշվառված յուրաքանչյուր ավտոտրանսպորտային
միջոցի համար կնքված և գործող ԱՊՊԱ պայմանագիր: Արգելվում է ընդհանուր
օգտագործման ավտոմոբիլային ճանապարհներով ավտոտրանսպորտային միջոցի վարումը,
եթե դրա համար առկա չէ այն վարելու պահին գործող ԱՊՊԱ պայմանագիր:

Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ
մասի համաձայն՝ առանց տվյալ տրանսպորտային միջոցի համար կնքված
ավտոտրանսպորտային միջոցի օգտագործումից բխող պատասխանատվության պարտադիր
ապահովագրության գործող պայմանագիր ունենալու՝ Հայաստանի Հանրապետության
տարածքում ընդհանուր օգտագործման ավտոմոբիլային ճանապարհներով տրանսպորտային
միջոցը վարելը՝ առաջացնում է տուգանքի նշանակում՝ սահմանված նվազագույն
աշխատավարձի հարյուրապատիկի չափով:

Ուսումնասիրությամբ պարզվել է, որ 10.01.2021թ. ժամը՝ 22:00-ին Երևան քաղաքի Խոդրյակով փողոցում քաղաքացի Գառնիկ Ղուկասյանի վարած <<HONDA>> մակնիշի 36QU761 հաշվառման համարանիշի տրանսպորտային միջոցը դարձել է ճանապարհատրանսպորտային պատահարի մասնակից: Նյութերի ուսումնասիրությամբ պարզվել է, որ վարորդը ավտոմոբիլը վարել է առանց գործող ԱՊՊԱ պայմանագիր ունենալու: Վարորդի նկատմամբ կազմվել է վարչական իրավախախտման վերաբերյալ արձանագրություն, որտեղ վարորդը հայտնել է իր համաձայնությունը և Վարչական իրավախախտումների վերաբերյալ << օրենսգրքի 129.2-րդ հոդվածի 2-րդ մասի համաձայն, կայացվել է ԱՖ383460 որոշումը՝ վերջինիս 100.000 << դրամի չափով տուգանելու մասին:

Նշված փաստը հիմնավորվել է << ապահովագրական բյուրոյի հայտնած տեղեկատվությամբ՝ <<HONDA>> մակնիշի 36QU761 հաշվառման համարանիշի ավտոմոբիլը 10.01.2021թ-ին չի ունեցել գործող ԱՊՊԱ պայմանագիր:

Ինչ վերաբերվում է պատերազմների մասնակից լինելու վերաբերյալ դիմումատուի փաստարկին, ապա << Սահմանադրության 6-րդ հոդվածի 1-ին մասի համաձայն՝ պետական և տեղական ինքնակառավարման մարմիններն ու պաշտոնատար անձինք իրավասու են իրավասու են կատարելու միայն այնպիսի գործողություններ, որոնց համար լիազորված են Սահմանադրությամբ կամ օրենքներով, իսկ պատերազմներին մասնակցաց քաղաքացիների համար վերը նշված որոշմամբ ամրագրված իրավախախտման համար որևէ իրավական ակտով նախատեսված արտոնություններ նախատեսված չեն:

Այսպիսով՝ դիմումատուի արարքում առկա են Վարչական իրավախախտումների վերաբերյալ << օրենսգրքի 129.2-րդ հոդվածի 2-րդ մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 20.01.2021թ. կայացված ԱՖ383460 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել << վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Գառնիկ Ղուկասյանին և Ճանապարհային ոստիկանության ՃՊԾ 1-ին սպայական գումարտակ:

Կատարող՝ Կ.Ահարոնյան
Հեռ.՝ 011-544783



Ե.Կարապետյան

Տ Ե Ղ Ե Կ Ա Ն Ք

25.02.2021թ.

ք.Երևան

Կազմեցի սույն տեղեկանքն այն մասին, որ 25.02.2021թ. ժամը 11:05-ին 011-544783 հեռախոսահամարից զանգահարել եմ 098-050408 հեռախոսահամարով Հայաստանի ավտոապահովագրողների բյուրոյի ԻԱՄ վերահսկող ծառայության մասնագետ Վահան Սարգսյանին, ով հայտնել է, որ 09.12.2020թ-ից առ այսօր <<HONDA>> մակնիշի 36QU761 հաշվառման համարնիշի տրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր առկա չի եղել:

ՃՈ ՎԲՔ բաժնի ավագ տեսուչ,
ոստիկանության ավագ լեյտենանտ՝



Կ.Ահարոնյան